

Muštâl tuu uáivil:

Puohháid ávus viermikojjádállâm puásuituálust já ton stivriimist

Tuávvástiätu kojjadálmist já puásuituálust

Eennâm- já meccituáluministeriö lii lekkâm puohháid ávus puásuituálu kyeskee viermikojjádállâm, mii lii ávus 15.10.2017 räi. Kojjadállâm ulmen lii nuurrâd aalmugjesânij uáivilijd já ibárdäsâid, moh kuleh puásuituálu. Ulmen lii finniđ čielgâs, ete magarijd hástusijd já máhđulâšvuodâid västideijeeh uáinih puásuituálust, já moos kulij puásuituálu kolgáččij aalmugjesânij uáivilij vuáđuld stivriđ puátteevuodâst. Siämmást kojjadállâm addel kove tááláá puásuituálu stivrim toimâmist. Ministeriö almostit kojjadállâm váldušálijd puátusijd talle ko viermikojjádállâm čuákánkiäsu valmâštuvá.

Ko lah västidâm kojjadálmân, puávtađ vuorkkiđ västádäsâid PDF-häämist, jis halijdah.

Puásuituálu Suomâst

Puásuituálu uázžu hártuttid Tave-Suomâst 122 936 neljiháskilomeetter vijđosii puásuituálu kuávlust, mii luávdá 36 % ubâ Suomâ vijđoduvâst. Puásuituálu kuávlun lii vijđoduvâs tiet uáli maangâpiälásâs já tot ana sistees maangâid sierâ šoddámstielâsijd, eennâmkevttimhaamijd sehe aalmug- já puásuisahisvuodâid. Majemuu puásuituáluive, 1.6.2015–31.5.2016, Suomâst lijjii 191 473 elettempocud, 4421 puásuiomâsteijed já puásuituálu lai merhâšittee iäláttâs suulân 1000 päikkituálu. Suomâst poccuid pyehtih omâstiđ puásuituálu kuávlust ässee Euroop ekonomia kuávlun kullee staatâ aalmugjesâneh já palgâseh. Sierâ kuávlui puásuiomâsteijeeh, ađai uásáliih, vuáđudeh palgâsijd, moh láá vijđoduv já puásuimere tááhust sierâstuárusiuh puásuituáluohtáduvah, moh västideh puásuituálu jiejâs kuávlust. Palgâs pargon lii huolâttid eres lasseen tast, ete palgâs uásálij poccuuh hoittájuvvojeh palgâs kuávlust já ete uásálij hártuttem puásuituálu kullee pargoh pargojeh.

Puásuituálu iäláttâssân já mađhâšemvelttân

Puásuituálu taha máhđulázžân maangâpiälásii iäláttâs hártuttem. Ärbivuávlávt puásuiopärguvyebdim lii lamaš puásuiomâsteijed teháluos puátu, mutâ lasseen poccuin finnee materiaal ovdâmerkkân nähki-, táhti- já čuárvipuohtuid. Tave-Suomân sundášuvvee šaddee tuuriism miel mađhâšem merhâšume lii tiäduttum, já tast šadde puásuiomâsteijed merhâšittee puátu ärbivuávláii puásuituálu paaldân. Puásuitilekollistálmeh já poccuid lohtâseijee ohjelpalvâlusah tuáimih kiásutteijen eromâšávt olgoeennâmlijd turistijd. Tuše uási puásuiomâsteijein finnee áigápuáđu tuše puásuituálu, te maangah puásuiomâsteijeeh hártutteh lasseen ovdâmerkkân eennâm- já meccituálu. Puásuiomâsteijei lasseen puásuituálu addel pargo epinjuolgist manggâid ulmuid eres lasseen piärgujáldem-, kietátyeji-, logistiik-, mađhâšem-, podoivyebdim- já raavvâdviäsusuorgijn.

Rijjá kuáđuttem ovdâsvástádâsah


Poccuin lii puásuituálu kuávlust rijjá kuáđuttemvuogáduvotâ, mii ij lah kiddâ eennâmomâsteijee koskâvuodâin. Poccuid kalga kuittag hoittáđ tienuuvt, ete toh iä peesâ viljâlemsoojijd eennâmomâsteijee teikâ haldâseijee lovetáá iäge toovvât vaahâg mecciuđâsmittemvijđoduv voššijd teikâ mudoigin toovvât taarbâšmettum vaahâg eennâm- já meccituálu teikâ asâmân. Sámikuávlun ulguubeln poccuid kalga hoittáđ tienuuvt, ete toh iä peesâ muorâkardijd, fastâ aassâmviistij šiljoid teikâ eres eromâš kiävtun valdum kuávluid. Palgâsist lii kenigâsvuotâ toimâttiđ hemádâspoccuid meddâl kuávlust já táárbu

mielid paalgâs lii kenigâs huksiđ ääidi tiätukuávlui suoijim tiet. Ääidi huksim lähtun lii, ete tot lii tárbulâs vai vahâgeh iástojeh, já ete koloh láá kuáhtuliih ääidi huksiimist šaddee hiádu háarán.

Palgâsist lii vaahâgsajanmáksimovdâsvástádás, jis tot kuárrid kenigâsvuodâs já poccuuh tovâtteh vaahâg eennâm- já meccituálun, teikâ sâmiikuávlui ulguubeln, muorâkardiđ, fastâ aassâmviistij šiljoid teikâ eres eromâš kiávtun valdum kuávluid. Aaidij huksimân teikâ vaahâgsajanmávssoid lohtâseijee ruossâlâsvuotâtiilijđ čuávdá árvuštállâmlâvdikodde, mast láá iäláttâs-, jotolâh- já pirâskuávdáá meridem saavâjodetteijee já kyehti eres jeessân. Nubbe jeessân oovdâst páihálijđ eennâmtuálupyevtitteijeeid já nubbe ton palgâs, moos čuávdimnáál orroo äšši kuáská. Lasseen eennâm- já meccituáluministeriö lii asáttâm kiđđuv 2017 puásituálu kuávlulii ráđádállâmfoorum, mon ulmen lii muuneeld kepidiđ puásituállei já eres tuáimei koskâsijđ ruossâlâsvuodâid.

Puásituálu stivrim

Puásituálu kulá Suomâst eennâm- já meccituáluministeriö haldáttâhkuávlun já [Puásituálulaahâ \(848/1990\)](#) asáttâl puásituálu. Taam laavâ já ton vuáđuld adelum njuolgâdusâi já miärádâsâi nuávdittem já olâšuttem kocá Laapi kuávluhaldáttâhvirgádâh. Laapi iäláttâs-, jotolâh- já pirâskuávdâš västid Palgâsij ovtâstus puáđusstivriimist já puásituálu toorjâucâmušâin. Ko eennâmkoddeuđâsmitem lahânuvâstusah láá šoddâm vuáimán, te tain pargoin västid Laapi eennâmkodde. Eennâm- já meccituáluministeriö aasât alemuu suovvum elettempuásuimere love ihán häävild, vâldimáin vuotân ovdâmerkkân tálvikuáttumij killeel pyevtitvâšvuotânaavcâ. Stuárráamus suovvum elettempoccai meeri iivij 2010–2020 lii 203 700. Luánduriggodâhkuávdâš olâšut eidu vijđes puásuikuáttumij inventistemhaavâ, mii valmâstuvâ ive 2018 loopâ räi. Inventistem puátuseh annojeh ävkkín, ko uđđâ elettempoccai enâmusmeeri asáttuvvoo ivvijđ 2020–2030. Virgeomáhái lasseen palgâseh vuáđudeh Palgâsij ovtâstus, mon pargon lii eres lasseen toimâđ palgâsij ohtâvuodâčonâsin, ovdediđ puásituálu, ovdediđ puásituálu tutkâm, puásituálu kyeskee keččalemtoimâ já poccuujáldem.



Puásituáluávlui 122 936 km²

Puásituáluávlui 1.6.2015–31.5.2016 lohhoon

- 191 473 elettempoccai (stuárráamus suovvum meeri 203 700)
- 4421 puásuimâsteijeeht
- Merhâšittee iäláttâs suullân 1000 päikkituálu
- 54 Palgâsid
- 87 811 koddempoccai
- 2 009 789 kiillud poccuupiärgu
- Suullân 100 puásuimâđhâšemeráttâssâđ
- 4885 meecij stuorrâpiäđui koddem poccai (ihe 2016)
- Puásituálu torjui koskâárvulâš uási puáđuin suullân 20 %

[Ravvuuh västádás vuolgâtmân reivân](#)

Jis ij lah tiättur teikâ Internet-ohťavuotâ te puohháid ávus kojádâlmân puáhtá toimâttiđ ríjjáhámásii västádás pááppárháámist čujottásân:

Maa- ja metsätalousministeriö
Kirjaamo, Porotalous vuoden 2017 kysely
PL 30, 00023 VALTIONEUVOSTO

-> Muštâl tuu uáivil: <https://www.webpolsurveys.com/S/0A311E0D9F5EF54B.par>